



Doris Jakobsen Jensen
Inatsisartunut ilaasortaq, Siumut

Avannaata Qimussersui pillugu § 37 naapertorlugu apeqqummut nr. 017/2022-mut akissuteqaat.

01-02-2022
Suliap nr. 2022 - 2205
All. nr. 19096683

Asasara Doris Jakobsen Jensen,

Postboks 1029
3900 Nuuk
Oqarasuaat: +299 34 50 00
Email: ikin@nаноq.gl
www.nаноq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinguuttuni akissuteqarfigissavakka.

Apeqqut 1:

Konto 40.95.01 Qimussersuarmut tunngatillugu oqaaseqatigiit "aningaasartuutunik utertitsisimaneq" Naalakkersuisup allanngortilersaarnerlugu?

Apeqqut 2:

Qimussersuaq oqaluttuaannangussanngippat Naalakkersuisut oqilisaataasinnaasumik allamik pilersaaruteqarpat?

Akissut:

Apeqqutigineqartut ataatsimoortillugit akineqassapput.

Apeqqummut 2-mut tunngatillugu oqaatsit marluk atorineqartut akornanni assigiinngitsornera Naalakkersuisut maluginiarpaat, taamaattumillu apeqqutip akineqarnissaa eqqarsaatigalugu apeqqutit kalaallisut allassimasut aallaavigineqarlutik. Qallunaatuani allassimavoq Qimussersuup aaqjissuunneqartarnera ingerlaannarsinnaaqullugu allaanerumik oqaasertaliinissamik pilersaaruteqarnerisut, kalaallisuanilu allassimalluni Qimussersuaq oqaluttuaannangussanngippat Naalakkersuisut oqilisaataasinnaasumik allamik pilersaaruteqarnerisut.

Naalakkersuisut tapeeriaatsip eqaannerulersinnissaa sulissutiginiarpaat. Taamaattumik 2023-mut aningaasanut inatsisissatut siunnersuut aqutigalugu kontumi pingaarnemi 40.95.01 Eqqumiitsuliornermut kulturimut tapiissutit allat, missingersuutini oqaasertaasa allanngortinneqarnissaanik Naalakkersuisut siunnersuuteqarniarput.

2021-mut aningaasanut inatsisissap suliarineqarnerani Avannaata Qimussersua/Qimussersuinut tapiissutit 250.000 kr.-init 750.000 kr.-inut qaffanneqarnissaat Inatsisartut akuersissutigaat, ukiunilu tullinguuttuni aningaasaliissutissat aningaasanut inatsimmi allassimapput. Taamaattumik Avannaata Qimussersuata/Qimussersuisa kattuffiup KNQK-ip ilaasortani peqatigalugit aaqjissuuttagaasa ingerlaannarissaat Naalakkersuisut tapersersortuarniarpaat.

Inussiarnersumik inuulluaqqusillunga


Peter Olsen